

昌瑞山萬年統志卷之七

下函

卷之七

志界限

奏疏

紅橋

白橋

青橋

碣石

火道

昌瑞山萬年統志卷之七

昌瑞山萬年統志下函卷之七

志界限

馬蘭為前朝用武之地自我


國家定鼎以來恭建

陵寢自應嚴定界限以慎防維是以紅白青樁界石次第

建設俾使無知愚民一目瞭然咸知儆惕無敢故犯

即巡守弁兵亦知有所遵循以免故縱之弊故

志界限



署理直隸馬蘭口總兵官印務鑲黃旗滿洲副都統世襲雲騎尉降一級留任臣布蘭泰謹

奏為

奏

聞事恭照

陵寢後龍風水一帶經協辦內閣大學士事務禮部尚書三

泰帶領欽天監監正進愛前往相度紅檣外統留火

道二十丈足資防範紅檣火道以外聽民自便其原

議

後龍週圍火道伍百零柒里原議每里立紅檣叁根共

立紅樁壹千伍百貳拾壹根除舊有紅樁玖百伍拾伍根外應添紅樁伍百陸拾陸根交與臣會同石門工部郎中等採取火道以外樹木添豎等因於乾隆陸年拾貳月初壹日蒙兵部劄行到臣查得舊有紅樁玖百伍拾伍根屢經長夏雨水淋濯內有木植糟朽顏色脫落且有原設高矮不齊精粗不一兼有有根之樹就便刷飾算作紅樁者乘此改設添展之際若使新舊攙越參差不齊將來此更彼壞歲歲更換年年添補非所以期堅固慎防守也臣愚將舊有新

添紅樁均在火道界限以外採取高八尺埋深貳尺勻淨木植於應立紅樁各營路汎附近處堆放預備成造安豎統期煥然整齊至火道山口四達之地僅有尖山樓根等拾處豎立界石昭示

風水外限臣思防護

後龍風水一帶火道綿長伍百餘里非拾處界石所能悉行遠照臣除安豎紅樁界石外復備高伍尺埋深貳尺本色木樁在統留火道貳拾丈外限週圍與紅樁數目對望安豎併與火道界石依次接連上寫

風水外界如此則內界外限一望豁然愚民益知遵從  
可免誤入之虞嗣後紅樁界石如有朽壞報明總理  
衙門仍令石門工部官員換補若外限木樁糟朽則  
臣屬自當仍行採備換補其前項紅樁界石恐致臨  
期製造稽延時日臣遵欽天監擇定本年貳月初玖  
日動工吉期報明總理衙門併知會石門工部派匠  
役前往成造今已工竣臣遵照原議會同石門工部  
員外郎伊思哈等前往安鑒其起程日期另摺恭  
奏外謹將舊有改添紅樁統為一併更新及火道外限

復備本色木樁期臻嚴密緣由敬謹具

奏仰祈

睿鑒至紅樁近經改添則一帶防守堆撥或有應挪應設  
邊關要口酌增弁兵須在制兵內通融防守之處容  
臣親身週視詳慎辦理俟安樁豎石完竣回署之日  
備將設防情形繪畫全圖恭呈

御覽再原勘

後龍一帶週圍伍百零柒里因從前未經丈量乃約估  
舊有火道里數計算今擬定以靈溝窩等處紅樁改

設取直其橋亦有外展內撐而山路崎嶇或與原勘  
數目未符亦未可定臣謹用步弓丈量如里數過多  
計里加橋若里數較少即將原議每里叁根浮多之  
橋報明收貯更換時補用合併聲明

奏

聞謹

奏等因於乾隆柒年叁月初柒日奏本月拾貳日奉到  
硃批知道了欽此

署理直隸馬蘭總管印務鑲黃旗滿洲副都統世襲雲騎尉降級留任臣布蘭奏謹

奏為

奏明微臣出口安豎紅橋界石回署日期事恭照

後龍風水一帶應行安設添展紅橋尖山樓根等拾處豎立

界石一案臣遵循原議會同石門工部員外郎伊思

哈等於本年叁月初柒日前往按照處所依次敬謹

安豎併考驗各營路汛官兵技藝惟是原勘

後龍一帶週圍伍百零柒里因從前

風水禁地未經丈量約估舊有里數計算自應遵照原

議每里立紅樁叁根共備造紅樁壹千伍百貳拾壹  
根此次詳看改添紅樁有內擲外展等處而山路崎  
嶇恐與原勘里數未符事關奉

旨永定章程分應慎重其事臣謹用步弓丈量自左營鮎  
魚關屬之尖山樓根豎樁處起北由曹家路迤西至  
右營黃崖關屬青山嶺邊墻根止東西北叁面較準  
共計地叁百貳拾里實應立紅樁玖百陸拾根尚餘  
紅樁伍百陸拾壹根其浮多紅樁報明交與各汛官  
收貯遇有更換時補用再查

後龍一帶火道綿長尖山樓等拾處界石難以悉行遠  
照臣謹按紅樁外統留火道貳拾丈外限處復備本  
色木樁環繞與紅樁數目對望安豎并與界石接連  
上寫

風水外界字樣俾愚民益知遵循可免誤入臣出口時  
業經奏

聞已蒙

聖鑒除安豎紅樁界石外今看得應豎本色木樁幅幘遠  
濶若概以紅樁火道貳拾丈為則勢難畫一尤不得

不因地形稍為變通務期權宜安植如鮎魚關屬  
之瞭馬臺至鷹窩山後又曹家路屬之遠喬塔至走  
馬安

風水火道地面率多河灘若拘定貳拾丈為限將本色  
木樁安豎河身之內非特不能明顯一經長夏山水  
瀑漲易致衝損謹就地勢量為寬展宜在河岸高阜  
等處如法安豎合貳拾丈之外微寬不過壹貳丈不  
等俾人易見且防衝損又鮎魚關屬之擺渡口至雁  
窩嶺山溝窄狹平原稀少惟嶺頭可以安豎外限本

色木樁雖不足貳拾丈之寬然內擗僅有壹半丈不  
等較之山溝安豎易於觀瞻其餘隨地勢高下有畧  
為平原之區均在紅樁外統留火道貳拾丈外限畫  
一安豎除面誠專汎官弁兵丁恪遵章程敬謹防護  
毋任愚民踐踏

禁限並報明兵工二部

三陵總理衙門暨直隸督提二臣紅樁火道界石以外聽民  
樵採墾種地畝自便外今已事竣臣於本月拾伍日  
回署合將回署日期理合一併聲明



奏

聞謹

奏等因於乾隆柒年叁月拾捌日奏本月貳拾伍日奉

到

硃批知道了欽此

署理直隸馬蘭口總兵官印務鑲黃旗滿洲副都統世龍奏雲騎尉降級留任臣布蘭奏謹

奏為

奏明因地情形量添撥汛邊關要口通融防兵以慎巡

護以肅稽查仰祈

睿鑒事竊臣自左營鮎魚關屬之尖山樓邊城起由雁窩

嶺大虫峪週圍環繞至右營黃崖關屬之青山嶺止

安設紅橋豎立要口

風水界石臣循照遵

旨查看橋外地勢情形事案內即會同石門工部員外郎

伊思哈又經總理衙門派包衣員外郎兼茶房總領  
和善前往按照處所依次敬謹安豎昭示

禁地永垂法守竊思安樁豎石分域界限原為慎

風水而便民生其一帶堆撥尤為嚴樵採以防誤入其

設撥看守務期呼應相接庶要地防維得以極臻嚴

密如鮎魚關屬自靈濟窩至大虫峪紅樁改設取直

則河東之三岔路口擺渡口石廟子箭草濬肆處係

民人往來播種防範最為緊要之區應各添撥汛壹

處設兵防守若因設撥即增防兵則類此應行添設

者居多非特致滋糜費猶恐現在虛懸汛守臣按地

方簡要堆撥兵丁多寡量行添撤通融防守俾能悉

行敷用查靈濟窩舊有堆撥壹處在新改火道之內

應將此處撥兵移設河東三岔路口搭蓋撥汛巡查

看守尚有新添之擺渡口石廟子箭草濬叁處堆撥

需兵拾壹名該汛存營兵丁無幾不敷新添之用即

在於該汛舊有口外大虫峪大窪烏頭牛并新設之

三岔路口肆處防兵內抽撤柒名於存營兵丁內撥

派肆名添設擺渡口石廟子箭草濬叁處以足防守

又大安口屬之四方洞片石溝老廠溝口叁處均屬阨  
要各應添撥壹處設兵防守查金扇子紅樁既經改  
設西邊接連窄道子第二撥則該汛舊有黃土梁壹  
撥相距紅樁較遠即將此撥兵丁移設新添之四方  
洞就近防守聲勢甚便尚有新添之片石溝老廠溝  
口貳處堆撥需兵陸名即在於該汛駐劄之大水泉  
牛圈子貳處併存營兵丁內抽派陸名添設片石溝  
老廠溝口巡查看守再金扇子壹撥係鮎魚關把總  
所管地方查大安口額兵伍拾名雖派撥無餘然已  
罄用且該汛舊有火道僅拾柒里而鮎魚關額兵陸  
拾柒名承值撥汛拾有餘處兼之火道綿長防守芟  
割均屬拮据伏思鮎大二關把總俱屬臣標左營所  
轄防守

風水為要似無拘此疆彼界之分即將鮎魚關所管之  
楊樹嶺起至金扇子止火道拾里連金扇子堆撥壹  
處改隸大安口把總外委專管芟割防守彼此亦甚  
均平至臣標右營將軍關口外紅樁雖無改設更易  
臣親身週視看得汛屬乾澗溝相連之大水泉實為

徑路岐分，樵採民人往來最要之地，且相距困子溝紅橋撥汎道里綿長，難以呼應，須安撥壹處設兵防守，即派該汎兵丁伍名搭蓋撥汎巡查看守。又黃崖關屬之古祥峪溝相距內

風水不遠，防範宜嚴，所當設撥壹處。查有該汎原設王平溝壹撥，在新改火道紅橋以內，應行挪移。即將此撥兵丁移設新添之古祥峪溝搭蓋撥汎巡查看守。又墻子路屬鎮羅關所管地方之石門子，上通好地石湖，下接楊樹溝，撥汎為適中防範最要之區，所當

安撥壹處設兵防守。查有該汎原設斗子峪壹撥，相距紅橋寫遠，即將此撥防兵伍名移設石門子巡查看守，以收實用。將斗子峪添設馬兵壹名巡查界外，開採民人火患等事，以肅

重地。如鮎魚關、大安口、黃崖關、將軍關、鎮羅關、墻子路、大小黃崖二口、黑峪關口、玖處，向因附近

後龍風水紅橋禁止砍燒，今擬定紅橋以為內界，火道以為外限。則居民樵採者，自多出入關口者，必眾。雖有地方官給票驗行，第盤詰奸宄嚴查夾帶者，仍舊

每關口僅設叁貳名兵丁防守勢難兼顧查鮎魚關正關較他口尤為衝繁除原設兵丁叁名外今酌添頭目兵丁各壹名合舊有共設目兵伍名再該汎地方遼濶僅有把總壹員巡查防守鞭長莫及先經臣添設額額外委壹名在口外烏頭牛防守兼察兵執籤會哨巡視

### 後龍一帶

風水茲鮎魚關口已經奉開居民出入樵採自必倍於尋常而該管把總駐紮地方相距關口叁里有餘猶

恐稽查未週則巡查外委又難分佈臣因地情形復添額額外委壹名在於正關口協濟該汎把總稽查出入以嚴夾帶違禁等物其前項額額外委不加糧餉究係頭目上協制員防護下督兵丁巡查擇其人地相宜小心謹慎者酌量給委既以示其鼓勵制員藉以分身內有急公向上弓馬可觀者遇有經制把總缺出皆由此項拔補又大安口正關原設兵丁叁名今酌添頭目兵丁各壹名合舊有共設目兵伍名大安口屬之冷嘴頭原設額額外委壹名兵丁貳名

今酌添兵丁壹名、合舊有共設外委兵丁肆名、而該汛把總係駐紮大安正口、便於就近稽查、無庸再添防弁黃崖關正關口、原設兵丁叁名、今酌添頭目兵丁各壹名、合舊有共設目兵伍名、尚有所屬之青山嶺口迤西係聽民自便樵採之隘口、原設兵丁肆名、今酌添頭目壹名、合舊有共設目兵伍名、大平安車道峪總撥壹處、原設目兵伍名、今酌添兵丁壹名、合舊有共設目兵陸名、而該汛把總係駐紮黃崖正關口、便於就近稽查、即有出外巡查會哨等事、尚有原

設額外外委貳名、代管把守、亦無庸再添防弁、又將軍關正關原設兵丁貳名、今應酌添頭目兵丁各壹名、查有汛屬之黑水灣、雖係河口、然無路可通、舊有防兵貳名、實為虛設、即將黑水灣防兵撤添正關口、復派存營頭目壹名、合舊有共設目兵伍名、一轉移間、防範稽查得收實用、至將軍正關口相距該汛把總駐紮處貳拾餘里、且現今奉文開禁盤詰、宜嚴兼有巡查

後龍風水會哨等事、慮乏分身之術、實無兼守之能、臣

酌添額外外委壹名，協同該汛把總輪流巡查，以資防範。又曹家路屬黑峪關口，路通熱河，出入繁重，原設兵丁貳名，不敷防守。今酌添頭目壹名，兵丁貳名，但該汛額兵無幾，而該管別處防兵，又未便抽撤。查有所屬之將軍臺庄、窠庄、貳處，係偏僻撥汛，即在此撥防兵肆名，內各抽撤壹名，復添存營頭目壹名，添設黑峪關口，合舊有共設目兵伍名，以敷巡查。至黑峪關把總所管汛地紛繁。

風水遼濶，兼防守關口，驗放出入，雖有原設額外外委壹名，協濟巡查，猶恐顧此失彼。臣復添額外外委壹名，俾其分任責成，方免兼顧。擬將原設額外外委

分防

風水紅樁火道，其新添額外外委專司稽查，驗放出入，仍令該汛把總不時週視巡查。如此則

風水關隘均為慎重有裨。又墻子路所管之大小黃崖二口，各原設兵丁叁名，今每口酌添兵丁壹名。路屬額兵亦屬無幾，即在差簡之蒼朮會、東庄貳處撥兵內各抽減壹名，添設大小黃崖二口，合舊有每口共

兵丁肆名再路屬之三岔口路通霧靈山接連大小黃崖二口且距

風水紅橋不遠實係三面緊要之區所當安撥壹處設兵防守即在於路屬存營兵丁內撥派伍名防範看守仍添額外委壹名協同輪流在大小黃崖三岔口敬謹巡查以慎防護又鎮羅關屬之黃門河北水峪南水峪每口原設兵丁貳名應各酌添兵丁貳名熊兜寨原設兵丁叁名應酌添兵丁壹名計共應添兵柒名即在於該汛事簡堆撥併存營兵丁內抽足

添設每口合舊有均設兵丁肆名以敷防守再添額外委壹名協濟巡查又酌界案內凡統留火道貳拾丈外如有可壑之地交與各該地方官查明令民報壑陞科惟是防護

後龍週圍附近紅橋堆撥各汛皆有其備毋庸再議其營房圍牆水道及駐劄處所操兵教場若不酌留空地將來民人報明通壑易滋爭端查板窄二汛營房附近有荒地貳段約共叁拾餘畝舊有該汛操兵教場今仍留存以備操演再窄道子官兵營房圍牆係動項



修築擬以圍牆外四面各留空地伍丈疏通水道以  
期保固處在深山曠野兵丁防守巡查亦屬甚便至  
附近紅椿堆撥非駐劄可比每撥四面各酌留空地  
貳丈如有已墾熟地勢難每面均留空地貳丈者亦  
必按地方情形量為酌留每撥每面至多以貳丈為  
則不許過為寬展酌留之外聽民報墾隨將酌留空  
地令各該營路報明地方官存案俾兵民各識遵守  
可免日後紛爭以上挪添撥汛增撤兵丁量添防弁  
及酌留空地永使兵民俱係臣分內應辦之事似不

應瑣瀆

宸聰但設防與舊制少有改易變通以期地方愈臻嚴密  
起見用是不揣冒昧敬謹繕摺

奏

聞仰祈

睿鑒其改設紅椿安豎界石更定撥汛通融防守事宜容  
臣續行繪畫全圖恭呈

御覽謹

奏等因於乾隆柒年叁月拾捌日奏本月貳拾伍日奉

到

硃批知道了欽此

署理直隸馬蘭口總兵官印務鑲黃旗滿洲副都統世襲雲騎尉降級留任臣布蘭奏謹

奏為謹防宜周永期肅靜以慎

風水事竊惟

山陵重地設官分職原為護守嚴密臣蒙

聖恩委任參載有餘而於巡查看守之法如久著成效者

謹循其舊不敢更易若有未當者因地情形酌量變

通務以有用之官兵防守巡查期收實濟然

陵寢後龍一帶纏綿廣遠臣雖在在熟籌或內有一處未周

即是臣智慮未到之處日夜思維刻莫能釋如

後龍風水東西北三面環抱內立紅樁為界外豎界石為  
限兵識巡查民知趨避永定章程實為萬年法守惟  
查臣標右營分汛黃崖關屬王平濟起至青山嶺邊  
城止其中有蠶椽峪耻轄峪古強峪等處近經圈  
入紅樁界石以內俱係

風水重地則樵採柴薪例應禁止未圖禁之先附近居  
住旂民在彼樵採有素誠恐習為慣常仍然進內深  
屬未便雖弁兵巡查毋縱愚民犯禁而地方遼濶鞭  
長莫及難保不無宵小潛踪乘隙竊取且一帶坍塌

邊空之處甚多兵單力薄挨次堵砌不可勝數週視  
巡查猶恐瞻前失後况黃花山桃木嶺孟家園從前  
設撥安兵均為四顧瞭望之地一帶設有叁處堆撥  
列在山梁上下即向來之界限也山梁以前附近旗  
民雜處山梁以後即係

風水重地山梁之隔深虞潛越私採致礙

禁限須預為杜絕之法以期永保清寧臣思文武雖屬

兩途而盡心護守

陵寢同為一體然附近

風水居住民人悉係地方州縣管轄營員即力為巡查  
條教不許越禁小民不無陽奉陰違未若有司遍示  
民間俾其家喻戶曉易入於耳而服於心也如

陵寢東西兩面薊州遵化州所屬之黃花山桃木嶺孟家園  
耻轄古強蠶椽叁峪以及平山寨鮎魚関等處逼近  
風水各村莊居住旗民現在呈請直隸督臣轉飭遵薊  
二州出示曉諭不時化導倘有潛越犯禁被兵拏獲  
即移交有司按例治罪如此則奸匪咸知畏法而

風水益臻嚴密矣至汎勢聯絡畫界宜清查黃花山營

統係臣屬其汎與臣標右營

風水界限相連又與右營分汎黃崖關汎地接壤必得  
分明界址責成始有專歸如黃花山杏花山犇牛山  
立名雖屬不同其實總係臣屬黃花山營守備所管  
地方山梁之後為

內風水禁地山梁以前係榮親王墳院臣因地情形將  
原設桃木嶺撥汎西北俱附黃崖關所屬其撥汎東  
南悉歸黃花山營管轄以桃木嶺撥房定立界限俾  
各知有所遵從庶免日後互相推諉夫界限分明防

撥宜設至一帶邊空除就近舊有撥汛可以照應無庸再設防守外查黃崖關屬低頭安黃土梁邊空貳處覬覦私越最關緊要防範宜嚴即在該汛防兵內酌撤陸名搭蓋窩鋪貳座巡查防守又桃木嶺東南之歡喜嶺并犍牛山前面係黃花山營所屬地方均為緊要之區應各安撥汛壹處即在該營防兵內酌撤陸名兼派存營頭目貳名前往搭蓋撥汛巡查防守再黃花山為

風水要阨四達之區原設撥兵四名常川防守今酌添

額外外委壹名作為適中之撥往來遊巡是設撥既以慎密而巡邏更宜周詳臣標右營分汛黃崖關所管西北之青山嶺起斜向東南至臣屬黃花山營所屬之犍牛山止一帶山梁綿長肆拾餘里橫梁前面亦有民山之處其間附近居民淳頑不一越梁入

禁偷採深為堪虞臣按新添舊設相距自叁肆里至伍陸里及柒捌里不等挨次列撥拾處復於犍牛山青山嶺貳處撥汛分頭各設巡旗壹面俾弁兵執旗巡邏互相交錯週視巡查由是臣標右營并臣屬黃花

山營以及黃崖關汎叁處接界地方彼此會哨稽查  
則東西南北呼應易接聲勢相援則奸匪無容身之  
地汎兵愈不敢怠惰偷安宵小自然潛踪斂跡而於  
風水益歸慎重矣 臣猶恐設施未當復檄飭標下中軍  
遊擊吳宗寧等親身往查詳覆與臣所見無二如此  
則前後左右得以萬全周備自改設紅樁安豎界石  
以及添撤撥汎通融防兵較從前設防舊制不無稍  
有更易以期愈臻嚴密今將現在防守情形繪畫全  
圖恭呈

御覽謹

奏等因於乾隆七年四月二十四日奏本月二十九日  
奉到

硃批知道了因時制宜以為整飭之計則可所慮者汝多  
事耳欽此

竊以

紅白青樁火道石碣附

陵寢重地例禁森嚴

風水所關防維宜慎若不明昭限制則愚民何所遵循  
稽閱前志所載紅樁火道各事宜均已詳明第歷年  
久遠措置因時者亦當錄其由以備參考

溯查

紅樁火道自康熙二年建立

陵寢奉調官兵駐劄馬蘭兩營所管口外自分水嶺東西設

立十八堆撥圍護

龍脈左營自頭撥鷹窩山起至九撥楊樹窪止開割火道四十一里半右營自頭撥寬佃峪起至九撥交界牌止開割火道四十二里半每歲白露後兩營各派兵一百名千把二員督率兵丁出口芟割火道共長八十三里寬三四丈不等預防

風水雍正元年十三年乾隆元年迭經前歷任鎮臣范時繹吳正永常等凡關

後龍風水禁地節次奏請左營自鮎魚關屬靈濟窩起

由大窪老廠濟窄道子板谷嶺黑峪關曹家路吉家營墻子路鎮羅關將軍關黃崖關青山嶺一帶營汛

週圍開割外火道一條計長三百二十里每里安設紅樁三根共計安設紅樁九百六十根定例附近紅樁不准樵採永遠遵守又查乾隆七年經總鎮布

奏請於紅樁火道以外擇扼要處所安豎界石以期界限分明等因歷經遵辦在案謹將開割火道安設紅樁豎立界石各里數數目開列



尖山樓根豎立界石一塊

滑尖臺溝豎立界石一塊

金扇子溝口豎立界石一塊

窄道子二撥溝口豎立界石一塊

黃木溝口豎立界石一塊

青山嶺豎立界石一塊

王平溝口豎立界石一塊

老鴉溝口豎立界石一塊

楊樹溝口豎立界石一塊

三公口豎立界石一塊

以上共豎立界石十塊

又經總鎮布 奏請後龍火道綿長原立尖山樓等

處界石難以悉行遠照擬於火道二十丈外另立白

樁九百六十根與紅樁對照使小民易於觀視不敢

越入侵擾奉

旨允准亦經遵辦在案嗣於乾隆三十五年直隸總督楊

奏稱伏思

陵寢所在非同他處可比禁防宜倍加嚴肅况該處跬步皆

山更非人烟聚集之處地之寬廣即稍加開展亦於  
小民無碍查紅白樁相距甚近若照原設限制之外  
聽民自便或設窰燒炭不特地脉攸關而於火燭實  
係堪虞曾經面奉

諭旨飭即議奏隨照會馬蘭鎮總兵旺 並通飭通永霸昌  
熱河各道勘明各州縣所屬距白樁十里應行立禁  
之各地方會同藩臬兩司核議如遵化州所屬地方  
勘定大安口至榆樹溝共二十四處薊州所屬地方  
勘定熊羔子峪至趙北溝共十七處曹家路千總所  
管地方之南峪口及黑吉板窄四關汛等處皆相距  
白樁十里共應安豎新樁十五根又熱河同知所管  
地方之大陡嶺至夾馬石等處應安豎新樁十六根  
每根懸牌一面上書

後龍風水重地凡木樁以內軍民人等不准越入設窰  
燒炭各宜凜遵如敢故違嚴拿從重治罪等字樣每  
年於二月十月令各地方聽員牧令會同都司守備  
訂期親歷巡查一次將會同查過日期通報備查仍  
按月責令專管之巡檢千把等官帶領兵役不時實

力稽查各報明各該管上司考核並令鄉保牌頭按月出具所管並無違禁設窖燒炭甘結送存備案設有違犯將鄉牌一並究辦如此立定章程小民知有治罪之條不敢輕於犯禁而地方文武員弁亦畏顧考成自必加意防範庶於

風水重地鞏固於萬億斯年矣其新設樁牌年久朽壞即令文員報明廳道武職報明馬蘭鎮於白樁外採取無碍樹株立時更換以垂永久至紅樁火道之外地畝業經議定聽民耕種應請仍循舊制奉

旨依議永為遵守欽此

計開

鮎魚關安樁八處

大安口外東攔馬牆

大水泉海口

影壁山

灰子溝東嶺頭

西黃門寺海口

廟兒嶺

石底子溝

新開嶺南海口

大窪安樁九處

新開嶺

新開嶺頭

楊樹溝

寶地兜電神廟

南山嘴

北山嘴

葛條窪濟南

葛條窪濟北

大水泉西王家帳子

老廠溝安橋七處

箭草溝西山 箭草窪東山路口 喇嘛溝東地

車溝 煤嶺 分水嶺 煤嶺北股 榆樹溝

黃崖關安橋十處

熊羔子峪 小口子 西大城 小平安 龍安橋

筐兒峪 野雞溝 甘澗溝 刺兒台 白草窪西橋

將軍關安橋七處

澗草溝 澗草溝北橋 長脖子崖 西嶺

連三洞 趙南溝 趙北溝

吉家營安橋二處

七聖廟 青草頂

曹家路安橋五處

太古石 將軍台 四道溝 三道邊 漢兒嶺

黑峪關安橋二處

夾溝子 亂石河

板谷嶺安橋三處

山神廟 破城子 西窄道子嶺

窄道子安橋三處

榆樹溝 東窄道子北梁 頭道溝裡

墻子路安橋七處

大土嶺 榆林子溝 小松爾峪 定樞子溝

石片兒溝 大馬蹄溝 小馬蹄溝

鎮羅關安橋九處

瞭坡溝 傳山子溝 小好地溝 石湖溝口

鼓兒磬 車道溝 小方兒峪 斗子峪

夾馬石

以上共安設青橋七十二處

查乾隆四十五年又經總鎮公保 咨請復查前任

直督楊 奏請開展限界安橋懸牌明白曉諭使小

民知有禁令不致誤罹

王章立法誠善惟是

後龍風水週圍原設紅白橋禁限計三百二十里白橋

外開展十里共計週圍五百餘里而僅設青橋七十

二根每根相隔四五里至七八里不等其間樹木遮

蔽山谷曲折界限實為不清往往拏獲設窰燒炭及

盜伐樹木之人因未能指清界限以至互相狡卸推諉及至差委將備帶領熟悉弁兵前往查勘亦無非照依近樁遙為懸揣究不能切有實據以致每遇事故殊費周章寔因禁樁遙隔不連之故本鎮職司守護目擊情形不能不籌畫變通辦理量度形勢莫若就原豎禁樁相隔覺遠之處夾中添補樁牌總使明顯聯絡兵民易於觀視遇有事故亦可隨地查拏不致奸徒漏網也

鮎魚關所管地界添補青樁二十二根

老廠溝所管地界添補青樁三十四根

黃崖關所管地界添補青樁十七根

將軍關所管地界添補青樁十一根

曹家路及所屬地界添補青樁一百一十四根

墻子路及所屬地界添補青樁三十根

以上共計添補青樁二百二十八根

又於乾隆六十年總鎮愛 查閱白樁以外十里安設青樁業經前任總鎮公保 酌量加添茲查鮎老黃將及曹墻各營路等處添補樁牌仍覺稍稀界限

究難明晰無知匪民猶易誤犯禁界今酌將樁牌中間隨火道曲折之處相度形勢再為加添務使至此視彼一望顯然不但差弁巡查易於辨別即愚民亦知遵守矣

鮎魚關加添青樁七十根

老廠溝加添青樁六十九根

黃崖關加添青樁八根

將軍關加添青樁七根

曹家路及所屬加添青樁三百八十四根

牆子路及所屬加添青樁三百二十根

以上共計加添青樁八百五十八根

又道光二年總鎮嵩 奏遵於楊家堡所屬之榆林溝至大馬蹄溝開出明界一道計長三十二里三分照依紅白樁之例每里安豎青樁三根計安樁九十二根以示禁限復查

後龍一帶各營汛所管白樁以外地方業經直督楊

奏安青樁暨前任總鎮公保 愛 兩次加添及今

核計原設續立之數究未按照每里三根覺為嚴密

此次牆子路既按每里三根安豎其各營汛均係一體守護未便疎密兩岐各營汛亦應按照每里三根之例改豎與紅白樁體制相符以歸畫一如此一律添設整齊則各處界限分明易於巡查防護矣又於五月內奏前因楊家堡網子溝盜樹一案經刑部酌議風水重地青樁外官山界址總宜立定限制俾居民不致再有誤犯等因復查

後龍一帶除鮎魚關等十處青樁外盡係荒山並無樹株無須立界擬將牆子路楊家堡鎮羅關等處之有樹官山不拘里數祇以山樹林邊所止之處為界共安豎界石六處上刻禁地官山界石字樣俾使附近民咸知趨避現皆安豎永垂法守查

牆子路所管青樁以外官山地方安立界石二處

柵子溝安立界石一塊相距鞍子嶺青樁三十五

里自柵子溝界石至楊家堡界牌峪

界石計遠二十五里

菠蘿台安立界石一塊相距馬蹄溝青樁三十五

里自菠蘿台界石至鎮羅關北水峪



界石二十里自柵子溝界石至菠蘿  
台界石計遠十里

楊家堡所管官山安立界石二處

大黃崖口外大石湖安立界石一塊相距楊老石  
青樁二十七里

小黃崖口外界牌峪安立界石一塊相距馬蹄溝  
青樁四十五里自大石湖界石起南  
至界牌峪界石十三里又自界牌峪  
界石起南至墻子路柵子溝界石二  
十五里

鎮羅關所管青樁以外官山地方安立界石二處

北水峪安立界石一塊相距朱槽溝青樁二十五里  
花嶺安立界石一塊相距三道溝青樁三十五里

自北水峪界石起至花嶺界石計遠  
二十九里又自北水峪界石起至墻  
子路菠蘿台界石二十里

又道光五年直隸提督武 奏查勘

東陵風水所有青樁內安立石碣多半碎石浮壘誠恐日久

字痕脫落易滋侵壑之弊請改用高大石碣深鐫禁  
地界石字樣以期經久隨會同馬蘭總鎮繼 揀派  
熟悉員弁同提標委員清查地段務臻妥協以杜滋擾  
通共民人九百六十七戶

地一萬一百二十二段

石碣二萬一千六百六十一塊

木樁一萬七千七百五十一根

### 續紀火道

鎮屬兩營內火道及

後龍一帶外火道向遵舊制每秋間芟割打掃務期潔  
淨以防火患立有成章矣乾隆四十六年總鎮公保

奏恭照

昭西陵前面自石門迤北興隆口天台山至西峰口一帶地  
方廠曠巡邏防護理宜嚴密前曾將

昭西陵右首之頭二三堆撥無可防範奏請改移西峰口等  
處安設惟查乾隆十年開設西峰口之時其天台山

一帶僅以山梁為內外界限並未設樁開道經今三十餘年界內樹株漸次蕃茂但山前均係民地村莊於樵採牧放例不禁止惟屆冬春之際火燭實係堪虞於

風水地方大有閑碍擬於石門迤北天台山一帶山梁亦仿照

後龍風水之例每年秋間開割火道二十丈以防外邊荒火並安設紅樁明示禁限以昭敬慎嚴密計火道十三里餘按每里三根之例應安紅樁三十九根永為遵守又嘉慶八年總鎮興以

昌瑞山為

列聖憑依之地前衛

陵寢後連龍脉關係甚重其

風水內界雖設有火道均相距十數里至二十餘里不等火道迤南縱橫百數餘里其間之荒榛落葉遮年存積每至冬春之時風高物燥刻刻堪虞擬請於

昌瑞山後圍一帶重開濶道三十丈左首自左營正關城起至右營之龍洞峪止計長一十五里餘照依十八撥

火道之例每交秋令揀派餘丁一律芟割打掃潔淨  
冀於

陵山附近敬衛無虞而於防護更臻周至矣又道光六年總

鎮慶 奏復查

陵寢前面則有圍牆為之環繞

後龍則有紅白青樁為之限制是以附近居民咸知禁  
地所在不敢擅越輕罹法網惟查葦子峪門外黃花  
山至低頭安一帶地方樹木極為叢密並無圍牆限  
制嘗年僅議開割火道十丈亦未設有紅樁且此處

與民樹相連他年難必其無影射之弊推原其故自  
係彼時村落無多人民稀少樹株亦未蕃茂今則越  
百數十年禁內樹木日益菁葱而外邊之村落人民

日漸稠密雖禁令森嚴究難保其盡為安分守法與  
其將來傷損何若早示範圍擬請援照天台山前面  
安樁之例南自雁飛嶺起北至低頭安止計長十八  
里按每里三根應添設紅樁五十四根履勘形勢一  
律安豎如此明示禁界不但弁兵易於巡查則附近  
人民有所顧忌矣又同治五年總鎮景 奏恭值

定 陵甫經奉安而西北邊內外尤當嚴加防護方昭敬慎  
惟查現在火道邊迤南至犇牛山頂雖設有紅樁並  
未開割火道倘有疎虞關係綦重擬請自舊火道邊  
迤南至犇牛山頂計長十里開割火道一段以十丈  
為限與

隆福寺行宮後山火道聯絡貫通以防火患而示防維  
實與

陵寢行宮地方風水均有裨益又同治十年內尚書潘侍郎

賀 奏敬護

山 陵宜增禁衛一摺經總鎮景三堂奏請遵查金星山為  
各陵照山理宜增設禁衛查金星山迤南石門山迤北紅樁

禁地以內實屬遼濶更兼在圍牆以外僅設有撥汎  
五處紅樁六十根該處又無樹木蔭護殊不足以昭  
禁衛擬請在於該處東西阨要之地添設撥汎二所  
興隆口內東河沿添設撥汎一所查原設紅樁六十  
根本係木質不能經久擬請更換石樁刷染紅色俾  
期綿遠使愚民一見凜然不敢誤犯其波原空曠之  
處宜栽松柳現在清明節近正可趁時培栽防護既

為嚴密而林木日見歲蕤拱衛

陵山聯絡

風水鞏固

靈基億萬斯年矣

溯查

後龍風水一帶歷年歷任奏請加添紅白青樁石碣等項並清查開割內外火道里數暨

陵寢前面安設木樁石樁各節均亦鈔錄奏疏詳細縷陳矣謹將所屬各營所管現設樁碣數目內外火道里數開列於左以備參考

計開

陵寢前面各處安設石木紅樁數目

孝陵紅樁二十一根

孝東陵紅樁六根

景陵紅樁十五根

南北安口紅樁十二根

碑樓紅樁二根

景妃陵紅樁二根

太妃陵紅樁二根

裕妃陵紅樁二根

裕

陵龍鳳門紅樁二根

定妃陵紅樁二根

惠妃陵紅樁二根

公主陵紅樁二十六根

東便門至劉家庄石紅樁六十根

天台山前面紅樁三十九根

低頭安至雁飛嶺紅樁五十四根

雁飛嶺至犇牛山紅樁九根

以上通共紅樁二百五十六根內石樁六十根

兩營內火道通長八十六里八分

左營火道四十四里三分

尖山樓 一里  
瞭馬台 二里  
黑石峪 三里

頭撥 三里  
二撥 二里  
車道溝 二里

三撥 五里以上  
寬二十丈  
四撥 五里  
五撥 五里

六撥 五里  
七撥 五里  
八撥 五里

九撥 一里三分  
交界牌止

右營火道四十二里半

頭撥 三里半  
攔馬牆 四里  
二撥 五里半

三撥 四里半  
四撥 三里半  
五撥 六里半

六撥 四里半  
七撥 七里半  
八撥 三里

九撥 均寬三十丈

裡火道計長二十一里半

左營自正關城至駱駝脖七里二分

餘丁營自駱駝脖至關門子七里一分

右營自關門子至

定陵西行樹止七里二分

六關汎曹牆黃各營所管火道紅白青樁數目

左營汎

鮎魚關火道計長二十八里  
寬二十丈自三撥至大虫峪止



安設紅白樁各八十四根

安設青樁一百八十九根自大安口至新開口止計長六十

大窪火道計長四十里寬二十丈自大虫峪至楊樹溝止

安設紅白樁一百二十根

安設青樁一百四十四根自新開嶺至大水泉鷄心梁止計長四十八里

老廠溝火道計長二十六里寬二十丈自楊樹溝至跳兒溝止

安設紅白樁各七十八根

安設青樁九十六根自鷄心梁至箭草窪止計長三十二里

右營分汛

青山嶺火道計長十一里半寬二十丈自佛兒嶺至王平溝止

安設紅白樁各三十五根

安設青樁二十一根自東邊頭至熊羔峪止計長七里

黃崖關火道計長十九里自王平溝至老鴉溝止

安設紅白樁各五十七根

安設青樁一百八十三根自熊羔峪東大梁至白草窪止計長六十一里

將軍關火道計長二十一里半自老鴉溝至乾澗梁止

安設紅白樁各六十四根

安設青樁六十八根自白草窪至夾馬石東梁止計長二十二里半

曹家路屬

窄道子火道計長二十二里 自跳兜溝至分水嶺止

安設紅白樁各六十六根

安設青樁八十四根 自榆樹溝至西安庄止計長二十八里

板谷嶺火道計長七里 自分水嶺至團山止

安設紅白樁各二十一根

安設青樁四十二根 東自盤道子至大倒松止計長十四里

黑峪關火道計長十五里 自團山至龍谷嶺止

安設紅白樁各四十五根

安設青樁七十五根 東自大倒松至夫樓子止計長二十五里

曹家路營火道計長三十里 自龍谷嶺至走馬安梁止

安設紅白樁各九十根

安設青樁一百四根 東自夫樓子至太古石止計長三十四里半

吉家營火道計長二十里 自走馬安至南橫嶺止

安設紅白樁各六十根

安設青樁六十九根 自東北太古石至南大陡嶺止計長二十三里

墻子路火道計長二十八里半 自清水泉至北橫嶺止

安設紅白樁各八十六根

安設青樁在鎮羅關數內

鎮羅關火道計長三十八里半 自乾澗梁至秋樹溝止

安設紅白樁各一百一十五根

安設青樁二百九十八根 南自夾馬石至大陡嶺止計長九十九里三分

楊家堡無紅樁火道

黃花山火道計長六里四分 寬十丈

朱華山火道計長九里三分 寬三丈

安設紅樁一百四根

